

長樂縣人物志卷之十三

維楚有材自古多榷楠杞梓之英而荊州名士又稱如鯽長樂古爲長陽等處地宋元以前人物當散見於他志有明以來多爲五峯等司買管之區其間亦有文武才如五峯各司張應龍輩見於容美土司田舜年所紀列傳並已載入沿革志中其各土司弟姪族黨中有賢能者考而錄之固樂與人爲善意也改土而後聲明文物居然通都大邑故自科第而外其間効忠王室盡職庭闈文雅公正廉能慈善之類見稱於鄉里者不啻郢中人物競著矣採其輿論最合者志之以爲山陬光其現存者雖莫當於蓋棺論定之例而有善則錄亦與其進不與其退之意云爾志人物

長樂縣人物志卷之十三

選舉

國朝設立科名所以甄拔人才也樂邑改土後乾隆初
年未設學士子有入澧州庠中南省舉者有入枝江
庠中武舉者設學後分香貢樹策對

大廷宴列鷹揚名高藥榜正不乏人誰謂瘠土之區無
奮志青雲之彥不可望將來之科甲鼎盛乎哉志選
舉

長樂縣志

卷之十三

人物志

舉人

明

向邦達

天啟丁卯漁洋關人見長陽縣志

國朝

李大銑

長樂小林口人乾隆初年樂邑尚未設學遂
人澧州庠庚辰科中式南省舉人大挑知縣
分發四川見黃濤
五峯別緒詩註

武舉

宋國輔

揚橋山人又杖江縣庠中乾隆戊子科武舉

駱玉霖

嘉慶十三年戊辰科揀選衛千總故於京師

長樂縣志

卷之十三

人物志

二

國朝

副榜

馬起圖

乾隆五十四年己酉科

選拔

陳萬猷 乾隆五十四年己酉科

楊福煌 道光五年乙酉科候選教諭

賴榮光 道光十七年丁酉科候選直隸州州判

田泰斗 道光二十九年己酉科候選教諭

陳作霖 咸豐十一年辛酉科同治九年選授荊州府
枝江縣學教諭

向士彥 同治十二年癸酉科考取拔貢未奉行知

恩貢

崔遠圖 乾隆五十六年

王朝冰 嘉慶元年

陳體受 嘉慶五年

張天培 嘉慶五年

吳炳文 嘉慶十四年

涂文美 嘉慶二十四年

陳煥然 嘉慶二十五年候選直隸州州判

向定彩 道光元年

李正書 道光十五年

長樂縣志

卷之三

人物志

又三

賴汝霖 道光二十五年候選教諭以捐修各廟議叙

薛乙鵬 道光三十年

王向榮 咸豐二年

卞緒遠 咸豐三年

楊東榮 咸豐五年

余國瀛 咸豐十年候選教諭

丁志一 同治元年

唐開選 同治五年

李宗馨 光緒元年考取恩貢

歲貢

王三秀 乾隆五十六年

歐陽文斗

張孔傳 嘉慶八年元年軍功議叙江西主簿

陳士元 嘉慶十二年

楊達昌 嘉慶十四年

周大成 嘉慶十六年

田浩如 嘉慶二十一年竹山縣學訓導

顧青雲 嘉慶二十四年

郭正泰 道光三年

長樂縣志

卷之十三

人物志

四

王正卓 道光七年候選訓導

胡聯春 道光十一年

胡宗典 道光十五年

楊嘉壽 道光十九年候選訓導倡修書院考棚各廟議叙紀錄二次

陳兆元 道光二十年倡修書院等項議叙

賴榮先 道光二十三年倡修書院等項議叙候選訓導

萬大昇 道光二十七年

戴澤溥 咸豐元年

皮日宣 咸豐五年候選訓導

李春榮 咸豐九年

朱冠羣 同治二年

余正化 同治四年

龔方馨 同治六年

李培仁 同治十年辛未考取正貢

姜傳銑 同治十三年考取正貢



例貢

趙百川

劉運煥

黃元吉

覃厚培

胡秉坤

向永曜

劉懋棠

向世功

楊世遠

長樂縣志

卷之十三

人物志

又四

何得遠

陳醇品

劉香山

余國茂

龍必傳

陳萃興

向士望

楊士福

鄧學霖

雜進

王恩溥 侯選同知

鄒嶧山 分發湖南試用府經歷

劉文錦 分發安徽試用縣丞

覃文權 候選鹽知事

張鵬飛 分發湖南試用從九品

長樂縣志

卷之十三

人物志

五

軍功議叙

楊士鵠 有傳 許光暄 有傳 張孔傳 有傳 向世魁 有傳

陳體受 有傳 王作棠 附生 宋之瑩 有傳 畢位高 有傳

鄒光裕 有傳 張玉成 向宜春 李先春

胡連元 向多文 武生 田起鳳 以上八品 張達相

向秉印 張多文 以上九品 章自遠 有傳 鄧煥章

曾聯芳 駱承貴 有傳 賀錫儒 顏際太

覃尊賢 有傳 王國安 蕭楚忠 李精畧

張一道 李明安 裴均安 馬仲魁 有傳

張伯先 以上外委

忠烈

蘓之信石柱山人乾隆五十四年入營充伍嘉慶元年從征湖南苗疆復征湖北白蓮教匪以功拔補宜昌鎮左營外委三年在鍾祥縣石牌地方打仗陣亡

恩賜三代雲騎尉後再襲 恩騎尉罔替

胡金柱邑人原任蘄水縣把總嘉慶二年征白蓮教打仗陣亡

恩賜三代雲騎尉 恩騎尉罔替

向耀才麥莊保人以鄉勇禦白蓮教陣亡事詳向國清傳

長樂縣志

卷之三

人物志

六

朱興貴本城人原姓藍充衛昌營伍嘉慶二年白蓮教事起隨威勇侯顏緒禦興貴為巡營外委著有勤勞四川匪王三槐勢猖獗匪黨張漢朝由蜀入楚自宜昌寇德安一路興貴往追之遂陣亡

世襲

蘓珍舉號鰲峯之信繼子歷署宜昌鎮左營守備補郎
陽鎮城守守備道光十二年致仕喜為詩與拔貢楊

福煌等相唱和

胡文彪胡金柱子

蘓一武之信孫本生員

胡士傑文彪嗣子前漁洋關把總現署灣潭千總

長樂縣志

卷之十三

人物志

七

忠孝

陳體受縣學貢生堵勦白蓮教有功議列二等體受事親至孝嘗以母老願終身不仕縣府催文屢徵不就

鄒光裕邑監生秉性剛毅知大義所爲一秉親命嘉慶初荆宜蓮教蜂起擁眾數十萬其父在富命裕團練鄉勇數百人投朱總戎槐麾下三月初一日賊驟至總戎令裕領眾先進制府畢公沅以平賊有功申奏分發湖南縣丞辭以終養不願仕進居家課子讀書次子士舉克體父志生三子長克讓

仲克鎮李克仁均入邑庠姪監生士芹子長克倫次克偉亦業儒

宋之瑩邑庠生爲人謹慎喜讀書有智畧嘉慶元年蓮教猖狂之瑩團練鄉勇堵禦有功議列二等以從九品雙單月五缺後選用之瑩事母至孝朝夕侍奉願終身不就職

馬仲魁邑武童爲人有胆畧嘉慶元年長陽蓮教林之華等事起自集鄉勇捐給口糧守白溢寨滴水巖等卡七月賊竄入巴東金更坪魁團聚樂陽鄉勇千餘迎堵殺賊數十十月賊竄黃栢山後率鄉

勇五百名守天堰坪果老洞磨架洲二年三月賊
竄建始巴東境隨前任王沛霖解餉至營六月賊
竄入白溢塞復率鄉勇堵禦三年正月賊平授以
外委職仲魁以親老侍養願終身不仕

駱承貴豪俠好義事親以孝聞篤友愛恤隣里嘉慶
元年白蓮教滋事捐貲勦賊辦理糧臺以軍功授
外委銜後設學教武入武庠者多出門下其弟五
霖自小考以至鄉闈中式皆承貴教之嘗倡眾姓
捐置義田以備徭役之資里之人至今咸感激不
衰年七十九卒子一世香邑武庠端方慷慨綽有父風

忠正

楊士鵬號鳳山邑增生軍功議叙縣丞身體魁梧博學多能凡歧黃堪輿遁甲之書無不通曉兼有胆畧嘉慶元年教匪滋事時大帥額營駐枝江召至營所問事單騎馳枝過白水港橋水漲橋漫人馬俱墮水中流五六里忽水中若有物負之而起長揖見帥賞給良厚歸卽團練鄉勇冒險勦賊所至黃金帳白溢寨芭葉洲等處一切糧餉支用悉出其手制軍畢上其事以縣丞補用初鵬本銳意科名歲科試輒冠軍六就鄉試不售至是乃棄舉子

長樂縣志

卷之十三

人物志

十

業立家塾訓子課士以爲世業邑人七半出其門質性嚴毅剛方里中不肖子弟聞聲欬聲往往驚避昔澧州梅觀麓見而稱其爲得天地之正氣洵然年七十七而終今子孫繁衍人文蔚興一門稱鼎盛焉所著有漁關八景詩

許光距號晃庵性姿超邁風度端凝年十四補弟子員旋食餼嘉慶元二年以教匪滋事捐金助餉辦理營務有功以縣丞候用光距負大志常以科甲自期讀書不倦著作甚多均散佚惟存雜錄數篇嘉慶初年學憲涂按臨宜昌願以軍功註銷呈請

仍歲科考試上圖進取學憲嘉其志彙情申奏部
復允以儘先選用無容改途事載學政全書時其
母年已九十孝養心切遂功名念灰置家塾延禮
南楚北諸名流日與飲酒賦詩訓子課孫真邑中
人豪也年五十餘而終子姪林立增生一庠生二
田開秀原名濱如號桂亭邑監生性剛方有才畧值
白蓮教盤踞白濫辦事軍營一日聞了數十事無
絲毫爽大將軍額奇其才欲授以軍功職慨然曰
賊犯吾境吾爲邑人効力其分也何敢言功辭不
受歸偕其兄浩如負笈從師極友愛鄉鄰有急難
仗義綽有父風

周天順漁洋關公甲人樂善好施待手足極友愛遇
荒年輒出穀平糶存活者甚眾兼精青囊術人延
之卽至不受謝惟以濟人爲心禦白蓮教有功大
憲欲授以職力辭知長陽縣事劉公器重之爲作
生平紀畧年八十七而終子三明鏡太學生明鏡
邑庠生議叙九品職絲六俱業儒

忠勇

張多學字孔傳號滙泗一號貫溪邑廩生爲人厚重
家居教訓子姪輩均有條規每邑宰至皆親近之白
蓮教滋事多方堵禦以軍功授八品職後選江西
主簿未仕而卒生平著作均散失惟存漢溪舟中作
應制詩數首其弟多文幼習詩書長嫻弓馬屢試
未就亦以堵禦白蓮教軍功授九品職

郭國華邑人嘉慶元年教匪猖獗督領鄉勇數百在
漁洋關馬料坡等處鑿壕立寨拒匪嚴密每於往
來過客周爲稽查年餘自備工食平定後眾邀重

長樂縣志

卷之十三

人物志

十一

賞華獨不受至今漁洋關公事碑碣垂名可考

劉 貴長樂坪人性樸誠有力如虎幼赤貧傭工於

王姓名應賢家應賢亦慷慨好曲成人美爲製袍

服勸充衛昌營伍隨本營官出師有功授把總職

復從征六里花園值大營師潰獨殿後殺數人敵

稍却俄敵兵大至被擄去拘供給所待稟敵帥加

極刑忽雞埒內一人出方冠皂袍若世所塑土地

狀解其縛令速去逃歸本營次日復戰身中炮子

二血涔涔盈袍袖不退大兵繼之遂獲全勝以功

陞守備銜借補當陽千總後見王氏子孫輒咽嗚

感泣餽贈不絕

覃尊賢爲人有肝胆初充長樂坪里正他白蓮教林之華黨潛入苜蒲溪保煽引土人藍光先黃廷柱等入教其黨晝散夜聚聚則念咒拜燈燈初結花如豆繼如桃實漸至如瓜終則焰焰然大如斗鉦鼓競鳴戶牖間但設一箕閒壁人亦不能聞也有顏姓者家頗裕欲誘入黨不從將脅以威尊賢偵知之苦無據夜伏光先簷間數日備得其狀稟邑侯自開全家年貌具事誣反坐結邑侯卽會武弁至黃廷柱家掘地丈餘得兵器若干一鞠而服

長樂縣志

卷之十三

人物志

三

先是光先等約於後半月聚齊舉事事發黨羽遂散後白溢寨餘寇乃自宜都長陽追至者也本地匪類因此撲滅是役也若非尊賢果毅有謀闔邑皆遭蹂躪矣以此授軍功外委銜今子孫尙繁向世魁母陶氏守節撫之克承母志青年入泮白蓮教匪滋事率領鄉勇在花兒屋場打仗獨出力獲賊首覃振海子起秀議列一等以正八品選用未仕而卒

朱允明朱家屋場人身材魁梧有力如虎嘉慶元年白蓮教竄入白溢寨允明先鄉勇堵禦經匪徒夜

劫營將軍某幾被賊擒允明背負之急去獲脫以軍功拔補外委後陞施州營右哨千總

周昌雙本城人質性果毅嘉慶二年教匪猖獗團練鄉勇在黃草坪堵禦旋移紫荊坪管理兵米及各營經費上憲以辦理有方給以軍功職固辭不受其勞而不施如此子自新幼讀書長爲糧吏辭退後家居教子亦慷慨好義孫步奎業儒

皮之虎邑庠生原籍澧州白蓮教擾樂時自捐口糧器仗率鄉勇捍衛從軍至白溢寨烏羊關三年勤勞備至大將軍額奏其功給九品職照後因應童

長樂縣志

卷之十三

人物志

十四

子試乃繳隨入邑庠

陳煥然原名學容號文川原籍澧州五歲喪母諸兄遷他邑煥然獨隨父住邑之東門外幼卽勤學好問及長質而兼學以養其父家稍裕父卒葬祭罔不盡禮癸丑年三十二補弟子員嘉慶元年教匪滋事奉憲令督率鄉勇運糧米置軍器三年平定後旋食餼出貢就州判職未仕年七十三而終平生端方正直士林爭景仰之子二兆元歲貢兆愷議叙九品孫六仁齡仁培邑庠生餘俱業儒

孝友文正

田浩如號義菴其父俊伯有長者風母王氏賢聲素著義菴生而聰慧幼卽勤學好問早年入泮旋食廩餼品端行優德性純粹事親至孝一言一動皆遵庭訓與其弟濱如相友愛五入秋闈未中嘉慶二十年歲貢一主五峯書院講席補竹山縣學訓導初竹山諸生以疑案報劣行者甚多義菴到任卽核實申詳開復捐俸倡修竹邑文廟賓興館學署功竣上臺准紀大功一次三年因病告致學憲朱愛其賢能批俟病愈起用致仕歸家居優游教誨子孫生平著作皆休時舟中被水淹漬今惟存問桃橋一序制藝數則蓋入則儀型鄉里出則沾被士林壽八十終子二嶺南邑增生道南早卒嶧南庠生孫五長泰斗拔貢餘業儒曾孫林立

孝友慈善

賴長秀監生年十一失怙與其弟長安支持家政一秉母訓性豁達寬宏終身於人無忤色喜詩書常延名師課子姪必重聘雖朝饔夕殮必親進陪供戚友中有佳子弟多召至其家與子姪共硯席修金膏火及應試資費皆其所出一時成就者遠逮

東陽兩邑不徒里中人也人所借貸於秀數十年
中合計累千萬金其或力窘難償則效馮煖焚券
故事概不以問迄今人多感其盛德云年七十餘
而終子二汝霖 恩貢生榮椿議叙八品孫曾林
立均業儒

賴長安監生長秀胞弟也天性誠樸人品端方輕貲
財重然諾甘淡泊終其身無華服九歲失怙自髫
齡以至成人承歡慈幃左右奉養惟謹其於兄也
晝則起居同處夜則牀榻相連怡怡然有姜宋兩
家風厥後兄病篤移榻正寢依依不捨執手而哭

長樂縣志

卷之十三

人物志

夫

者再時年六十八矣其家素多錢物周恤隣里戚
友有不待借而自給與不識姓字者多不簿記間
有來償者聽其自述所借之數而收之與兄同居
數十年每夜必分更防守一夕有人至其室將行
竊安然燭進內見之僞誦之曰子醉耶胡爲走錯
門路送之出囑以次日來越數日見其人強之入
坐問其何以卒歲其人具告以貧苦狀給以錢而
去其寬厚類如此年七十一而卒里之聞訃者多
歎息泣下妻王氏孝養勤鞠五十載夫妻相敬如
賓與夫同庚亦同年而卒子三榮光拔貢榮先歲

貢榮桂業儒孫六文炳文鴻邑庠生餘俱業儒曾孫林立

李友榮儒童漁洋關李家坪人應童子試屢拔前茅卒以數奇不售少失怙事母極孝母病湯藥必嘗以進母年八十八而卒數十年間昏定晨省未嘗頃刻離也篤友愛兄弟析居分多認寡不以遺業爭周恤鄰里遇有爭競輒爲之排解嘗倡捐寺觀廟宇橋梁等事里人至今咸稱之子三孫曾林立均安分守已以耕讀爲本

向世銘麥庄保人邑監生爲人忠厚正直早喪父事

長樂縣志

卷之十二

人物志

七

母王氏至孝與弟世清相友愛秉性恬靜凡家事一委諸弟處世和平外事毫不干也生子五皆教以義方長家祥早卒次家緒繼世清嗣三家良榜名日暉邑庠生卽編志最爲出力者孫曾林立耕讀爲業

李文堯楊礪山保人事親至孝與兄生員文臣相友愛課其姪春秀春芳及子春榮皆有義方並遊泮暨兄沒姪學儒學孔皆幼堯愛兄遺囑以婚嫁自任無何春秀又卒復撫二姪孫皆成立其治家政克勤克儉家道日興樂善好施周恤貧乏雖三尺

之童無欺也至今孫曾林立均習儒業四世同居
家規嚴肅內外雍睦太和氣象藹然萃於一門鄉
里咸欽服之道光三十年壽七十一而終

王良周良貴長樂坪保人目不識丁事母至孝其父
早亡所爲一凜母教竭力耕田以供子職母善怒
周等必多方承順俟其色霽而後安母病湯藥必
嘗輪流侍側弗頃刻離妻子輩視膳問安苟未躬
親其心歉如也母年八十餘良周兄弟均過六十
定省服勞孺慕均如一日且其心和順與人無忤
故生平未登邑宰之堂鄉黨皆服其同一天性之

誠

張華齡邑武庠生爲人品行端方事親極孝出於性
天其母年九十餘齡年亦七十餘溫清定省且出
必告反必面至老不衰每際隆冬母畏寒特甚家
人欲以火烘衣衾進齡戒之曰年邁人精血枯竭
何堪火氣薰蒸致生疾患自以身爇之溫煖而後
令母眠著朝夕不懈有古黃香遺風

蕭明國麥莊保人光明磊落孝友傳家前任楊區獎
三世孝友良不誣也會孫秦樓以捐輸書院膏火
議叙八品

朱大焯太學生朱學萃子學萃焯僅九歲其母汪
氏病臥牀褥焯朝夕不離側每奉湯藥必先親嘗
及母病篤焯寢不改衣者數月母卒居喪盡禮鄉
里咸稱其孝本性成爲髫齡中不可多得者

龔光賢菖蒲溪人幼習詩書品行端方孝本性情事
繼母呂氏順承與生母同里中有事排難解紛樂
勸人善鄉里共仰其直道光十八年捐輸書院膏
火資子祖範得八品職

友愛

明

張六謙字吉士號五峯好讀書不事章句豪俠好義扶老濟貧值崇禎末年張獻忠滋擾湖廣其黨劉體純侵及土司時為之多方禦侮其兄福謙身陷劉營六謙傾囊贖回五峯危而復安皆其力也後襲深溪石寶司官職

國朝

張多聰字玉成號卓庵五峯司齋張功建子功建嘗請設學開考為邑份生多聰幼事詩書事親孝早

長樂縣志

卷之十三

人物志

三

游邑庠生平品行端方足不履公庭惟以教授生徒為業處昆季極友愛堂弟多慧教之讀書亦游邑庠及門受業者多戰捷芹宮子世繩亦醇謹克紹書香云

劉德全烟洞子人為人溫厚和平耕讀為業勤儉治家弟兄三極友愛內外皆雍睦嚴肅至今四世猶然同居四十餘人藹然和樂鄉里稱之子國柄邑庠生

附記

楊華珩麥莊保人祖文光雍正十年由松滋縣遷居
樂邑文光生二子長光斗次光宿光宿生華珩兄
弟五人光斗生三子珩等生子共二十餘人孫五
十餘人五世同居百餘年內外雍肅鄉里咸欽式
之

信義

張宏智五峯土司裔先是容美田土司多擾各司張氏與田氏世為姻婭亦多被擾雍正十三年田明如故後猶叨

國恩勅將田自南安插陝西瑞南安置本省守南指南安置廣東守南為張君錫次婿其子田金斗年甫三周以幼未入册宏智眷屬送之於白壁城私攜之回匿於其家撫之成人復以女妻之給與田產營其屋宇遂生六子今樂邑田氏子孫愈多亦有光大門楣者皆其力也

長樂縣志

卷之十三

人物志

三

公正

萬安位邑廩生灣潭保人性嚴毅端方勤學好問鄉里咸畏敬之其有子弟不務正業者告以安位至輒却走道光戊子年卒妻劉氏亦克體夫志有賢名

萬懷忠灣潭人武庠生宗族鄉黨咸稱其孝友重然諾臨財不苟取尤善排難解紛雖遇橫逆必反覆開導使之心服雍雍然有儒者風道光庚戌年卒至今里人咸稱道之

田榮斗邑監生水澆保人量豁達性溫厚鄉里有鳴

長樂縣志

卷之十三

人物志

三

不平者一聽其言輒化解蓋其忠厚服人者素也喜讀書尤善教誨子孫子二長仁壽太學生議叙九品次禮壽邑武庠孫十餘人福元邑庠福開福國武庠福珩議叙八品餘俱業儒

向宏漢漁堰子人幼習詩書因邑未設學屢應長陽縣試未售習於農業治家勤儉處世溫和鄉里有事排難解紛樂勸人爲善生五子教以義方老猶耳目聰明善啖健步日以讀書爲事眼觀五代子孫繁衍道光二十五年無疾而終壽百有四歲

附記

薛大信升子坪人爲人正直端方治家有則持身以道口不出非禮之言足不履紛華之地鄉里子弟輩無不敬而畏之現年七十一歲精神矍鑠子乙鵬庚戌

恩貢

李正學邑監生寄居長陽祖良臣勤儉起家父楚珍以正學兄正心官教諭貤封修職郎學憲王贈有孝友可風匾額正學爲人忠厚和平言行相符公門無隻字鄉黨式之現年七十歲子三大壽大勲

長樂縣志

卷之三

人物志

二十四

議叙八品大鵬邑庠生尤足異者正學祖與父皆享年八十五母與妻俱四乳其積善餘慶之徵與戴一富麥莊保人爲人恬靜務農業治家勤儉與人無忤現年八十有五強健尙如壯年妻彭氏亦八十五歲舉案齊眉有梁孟遺風詩稱偕老者也生一子亦務農業

周正泰抵東保人幼性明敏勤學能文嘉慶四年入
邑庠謙恭以處世孝友以傳家家固貧惟日以教
授生徒爲業從無隻字入公門五峯佷山士林中
咸欽仰之

蕭祖楨抵東保人性鯁直幼習詩書長而屢試未售
遂習農業淡泊自甘分外之事毫不與也家居之
間藹然孝弟處已接物一惟直道而行現年七十
長子衛樓次鄒樓均有父風

慈善

鄒昌虎字煥章界山保人幼習詩書為人忠正慈善
事父母以孝昆季三人極友愛家固貧環堵之居
半畝之田宴如也妻趙氏性最慈孝奉事舅姑雞
鳴盥漱奉盤匱惟謹與之勤儉持家家遂興樂善
好施捐修橋梁道路寺觀鄉里有貧乏者無不周
濟借貸者不計其償煥章歿趙氏獨持家政亦然
生子四長國柱卽忠良字汝弼太學生次炳次暉
山庠生季忠純女五皆訓以義方無日不與言忠
孝節義事子亦均敦孝友慈善長樂坪地名乾溝

長樂縣志

卷之三

人物志

辛六

者路在溝中動折人足雨水暴漲則阻人行汝弼
捐千金與禮書董作雲謀相勢興工鑿山開道長
十餘里寬均丈餘建大小石橋見蟾蜍橋註碑塏以垂

不朽三年遂成坦途其他如獨修牯牛巖河橋等

善舉皆克體親志者次炳亦慷慨好義貧無所歸

者施棺葬之排難解紛鄉里中服之次暉山讀書

有才青年入泮急公好義如開遇于河途監修志

局更捐金以助其徵也其居家雍穆處世和平尤

出處皆可以有爲者季忠純亦樸實現今孫五人

崇志崇芝崇蘭崇禧崇儒均業儒

向國清字君泰麥莊人爲人慷慨好義乾隆戊申年
邑大饑積穀數百石周濟鄉里貧民賴以存活卒
年九十五長子耀賢當邑改土同張功建首先請
考嘉慶元年白蓮教踞白溢耀賢弟耀才耀真與
其子姪在火山後荒設卡防禦耀才被賊拘不屈
死耀真身受數傷賴長姪世魁救出將軍額大加
獎賞賊平族姓復聚耀賢弟陽芳入武庠後人多
業儒至今書香不絕

張先傑由漢陽貿遷樂邑遂入籍爲邑監生勤儉起
家素多義行每修補橋梁道路更置義渡以濟險

長樂縣志

卷之三

人物志

二十七

阮翰軍餉以儲國用又嘗捐資興之資斧施孤窮
以義塚雖動費數千金亦不吝也生平急公好施
者不一而足年八十四而終子一邑庠生議叙縣
丞孫四一庠生一議叙八品

朱蘭珍抵東保人品行端方樂善好施貧而有急者
輒出家貲救之生平廣行陰功子學粹邑監生行
事皆能體父志蘭珍卒九十有二

王應賢長樂坪保卸甲坪人生平樂成人羨自當陽
千總劉貴之顯達也賴賢之力人咸頌之

專詳武職劉貴

侍復有里中寒士田某貧欲廢讀賢爲給膏火並

應試資費田卒能成名善丹青性樸質恬靜邑侯
蕭呼爲葛天氏民信然卒年九十三

長樂縣志

卷之三

人物志

三

附記

陳永祥麥莊保人急公好義以樂輸書院膏火議叙八品現年七十二地方有公事輒命其子若孫極力捐勦一時題贈匾額者如道銜南陽府知府顧嘉蘅長陽縣知縣楊儒學朱本邑前任胡學師潘莫不優獎之樂陽二邑負其債者多幾千金其長子遇文邑優附生卽總理輯志事更捐貲以助者也爲人好義綽有父風顧恤貧乏皆焚其券永祥問之則以全收已用對稱頌載途次子遇賜援例得九品職銜孫隆位捐助軍餉得八品職蓋一門

榮盛云

覃福星菖蒲溪保人寄居長陽父東海州同職性豪爽好義於陽邑獨修萬象宮並施有田產福星雅善繼述喜周濟道光十九年邑倡修書院考棚並籌備賓興膏火資斧福星慨然捐田一契每年收租存公以備文武童生頭場卷價至今學校賢之以此得八品職

胡光恪菖蒲溪保人生平忠厚處世寬和樂善好施凡修廟宇橋梁道路樂於從事邑城隍廟本保觀音寺太山寺皆施田地往宜都熊渡大路及本保

三岔溪路皆倡首捐修不惜重金尤喜周濟貧乏
年六十五歿至今人感歎不忘孫宗陶更善繼祖
志云

許其欽號敬亭黃湘坪保人幼習詩書屢試未售通
岐黃術施方藥捐修楊泗橋道光二十八年間
邑大饑舉家餘積周濟貧乏穀盡又稱貸而與之
邑人賴以生活者多至今人多稱道之

蕭必選抵東保人天性孝友品行端方居心更豁達
仁慈生平急公好義樂善好施鄉鄰有事排難解
紛人共仰之更以詩書爲世業年九十四而歿長

子承一陽邑監生次子承品屢試未售及老猶好
學不倦至今監生祖馨附生祖閱從九職祖謙輩
其孫也曾孫祀闕宗孔輩皆克體先志不墜家聲
人以爲公正慈祥之報云

廉幹

尹文燦號五峯界山保人寄居石門為人明達有才
幼事詩書長由吏員授山東縣丞歷署嘉祥歷城
等縣精於吏治輿情愛戴咸服其忠信明決解組
歸鄉恬靜無矜年六十歿無子繼胞姪相玉太學
生爲人亦正直有能聲

長樂縣志

卷之三

人物志

三

文學

明

田九齡字子壽容美宣慰司田龍溪第六子弟兄八人
均業儒惟子壽從華容孫太史學萬曆間補長陽縣
庠博士弟子員天資洒落出塵俗外性耽書史喜交
遊足跡遍兩都所交與唱和者多當時名士爲詩冲
融大雅聲調諧和經武昌吳國倫明卿爲之序容美
司以詩名家自子壽始其後田元以下及五峯司張
之綱輩皆繼起者也所著有紫芝亭詩集行於世

張之綱字中孚五峯司張應龍子應龍常隨胡宗憲於
長樂縣志

卷之十三

人物志

三

萬曆間征播州士官楊應龍有功加封武畧將軍復
安撫使司職而雅好詩書手不釋卷工四六詞賦五
峯張氏世以文雅相尙皆其所開也有子八人之綱
之紀之儒之翰之彩昆季輩均延名師教讀崇禎初
子姪游長陽縣庠者十餘人之綱爲人性剛寡欲博
通經史廣交名士與弟輩均好詩歌世述錄嘗稱其
人人皆有集矣後襲父安撫職與容美土司田需霖
結姻嘗以牙牀遺之並寄詩云新作象牙牀應教上
玉堂竒文開筆意巧製沁詩腸對酒頻供飲消炎好
納涼眷懷徐孺子相贈並詞章雙雲酌之有昔人下

楊事移惠未曾聞之句

田圭字信夫容美土司田舜年叔祖沈重喜學好賓客而耽文雅常總攝容美內外諸務買管今邑屬之白鹿莊詩酒娛情與其子珠濤各有詩集經鐵菴文相國安之華容平子履首評點田舜年集之爲一家言

張之翰五峯土司張之儒弟工詩有哀岳母覃氏七律云如縷箕裘一綫傳我於太母獨潸然一朝白

長樂縣志

卷之十三

人物志

三

髮遭家難千里隻身到女邊菽水未酬恩罔極木梁忽折恨終天八峯外祖相逢問別後恓惶事莫言惜其篇集散失

國朝陳萬猷號虛齋乾隆庚戌邑開科選拔貢生爲人正直端方孝友素著以教讀爲業邑人士多出其門選拔後入都

朝考候選教諭年三十三卒所著有咏綠蕉館詩四卷楊福煌號暉菴軍功議叙縣丞楊士鷗三子性情閒雅好爲詩章選拔後自楚游齊魯燕趙閒俱有題詠廷試未第就教職歸里品行端方惟日以教授生徒爲

事與石陽枝宜各處文人相唱酬著有六山詩草
漁洋小記

郭正泰歲貢生尚恬靜寡言語事母極孝教課生徒
數十年雖當炎暑亦不去衣衫精書法所讀了凡
全鑑王已山滙叅皆親手錄鈔其精勤不苟如是
歐陽文斗三眼泉人博學能文歲科試輒冠全軍早
食廩餼乾隆六十年歲貢嘉慶辛酉科鼎薦以額
滿未售生平著作散軼惟存縣志跋一篇載藝文志
楊墀壽號鑾坡邑廩生幼聰慧善詩文早歲游泮性
耽吟咏得其祖楊士鵬詩派與叔拔貢福煌福焯
兄恭壽大壽嘉壽輩同善詩詞三十餘卒所著有
綠漪堂詩草

長樂縣志

卷之三

人物志

三

陳宜政號帥亭邑庠生幼姿性過人遊於貢生兩蒼賴汝

霖增生關福二君之門詩文清秀早年入泮家固貧
受知於前任桂山胡馨與拔貢田泰斗輩召至署中
課之給以膏火筆貲宜政性篤摯不忍忘親出門寸
步輒如離親千里然一應鄉試未中歸而教授生徒
性喜吟咏與田泰斗庠生丁志一輩相唱酬年二十
八卒其友玉山王清輝集其詩呈於學博霽堂潘君
炳勳爲之序邑宰李頌春題以鴻雪詩集云

畢位高邑廩生以軍功授八品職爲人勤學好問有
品望各邑宰與學師皆欽重之尤善教誨後進邑
人士多出其門生平著作甚夥惜稿皆軼散僅存
詩數首

劉士榮邑增生爲人純謹和平不干外事應試會文
而外足未嘗履城市課生徒最勤年八十六猶手
執一卷高吟朗誦疊疊不倦所著制藝試帖成卷
軸沒時付其子孫後被人借閱遺失

附記

蕭祖馨麥莊人性豪俠喜讀書著有課子香廷文集待梓所至名區輒多題詠兼通岐黃刑名之書居家以孝友爲訓子祀闕以有長陽丁糧仍捐陽邑八品職次宗孔宗孟宗雅均業儒應童試輒冠軍蕭祖閱亦孝友長陽附生設教樂邑子弟多從之遇公事喜倡首捐貲子宗學宗椿業儒孫蕃衍蕭祖謙性孝慈心精細有文名學憲賀訥宜郡曾備卷因額滿取爲縣學佾生後捐從九職子宗佑與侄學均倜儻不羣

長樂縣志

卷之三

人物志

三五

關 福號鼎三邑增生文才韶秀青年游泮前任秋圃孟君登先器重之每贈以詩章勉以勵志福亦深感其知遇立品端嚴惟日以教授生徒爲事游其門者如陳宜政輩皆俊才課士之餘恒以文事自娛工書法時藝古文詩歌詞賦皆見清適所著有補閒吟初集子二長士雲邑庠生士奎業儒孫林立

簡桂林邑庠生教授生徒喜事著作所著有讀詩歌訣修竹洞賦

隱逸

明

唐應登才高學博技能超羣游泳山水間翩翩有出塵之致今水滸園有墓題爲明隱士云

田楚庚容美士司楚產派也祖子壽前明萬曆中長陽縣學生員著有紫芝亭詩草父宗陽官游擊至楚庚時長於武藝爲容美左營叅將時西林鄂相國爾泰總制雲貴奏請將滇黔土司改革楚庚恐容美亦如之遂遷於今邑之長樂坪而隱居焉子勸容美復委以左旗千戶職堅辭不受至孫瑞霖時容美果因田

長樂縣志

卷之十三

人物志

二

明如被湖廣督邁柱參劾遂至改土徙其眷屬於廣東陝西而楚庚子孫輩獨享隱居之樂不與其難云

國朝

李南三眼泉保人家固貧南惟讀書自樂故其學問淹博應童子試時前任蕭霽峯鴻圖卽器重之拔以前茅遂爲藥籠物府院試均贈以資斧旋游宜昌府泮歲科試屢列優等生平渾樸淳厚不樂仕進惟以教授生徒爲事長陽巴東設帳幾遍及門者輒發雲程軌云

流寓

明

向均祿四川成都人向巢向寵向敏中裔數傳至向必忠平四川吳曦授四川六路宣撫使加總管遂世爲四川武職至均祿爲向大乾子元末夏明玉珍召之不屈投誠明太祖朱統部下將十八人率兵經

畧楚地太祖授以總兵付以荆楚重寄錫玉印女爲王妃後歸卒於家今石門落村有娘娘墳君祿失玉印太祖削其職降爲漁洋關防守巡檢遂落業焉向氏家譜○按此長陽縣志巡檢門不載其人或有遺

長樂縣志

卷之十二

人物志

三

漏與抑其家譜未確考與惟其後舉人向邦達長陽縣志載之其家譜則作邦揆爲順成王郡馬官吏部郎官至今漁洋關有天官鼓指此

文安之字汝止號鐵菴彝陵人天啟辛丑壬戌鄉試會試第二由庶吉士改檢討時魏忠賢盜國急於進取者徃往奔走其門不復知有廉恥事安之獨急請歸養忠賢敗始復召用後崇禎末又以進大南城司寇爲薛國觀輩所譖罷歸避亂遊容美知水瀘唐鎮邦有才畧常寓其司治兩載至永明王時瞿時相薦強起正台席日以忠義激勵諸鎮銳意興復關戎

馬聞不失臣節至譚宏降於

大清王遁入緬甸遂賫志以卒

國朝

楊國榮現住本城保祖芝鳳乾隆年間邑始設學招考
由漢陽縣來樂應試未售貿易採花保長茅司遂入
籍父維龍有義行榮善體父志性尤豪俠見貧死無
歸者心憫之施棺木無算又樂輸數十金修柳冲子
路凡生平類此者甚多每於通財間無商賈習氣士
林多稱之子正綱業儒

章自遠松滋西塞人質遷邑屬之採花保爲人正直有

長樂縣志

卷之十三

人物志

四

才幹能言語鄉人遂舉爲客長前任王沛霖喜其才
器重之嘉慶元年白蓮教周某在採花地煽誘愚民
十餘戶從之時王君得菖蒲溪保正覃尊賢密報已
獲教匪藍光先等得聯名簿採花保諸人與焉遂使
自遠查拿獲之十餘戶知悔願改過自新自遠力以
鄉愚無知請保釋王君取結宥之以自遠爲團練長
匪徒覃加耀等正月十三日在林之華家殺賣酒人
作亂二年漸至邑屬之白溢寨自遠得此十餘戶力
堵禦有功授以職力辭起家數千金無子繼其姪爲
嗣年七十餘卒

薛大瓏字位祿博學能文應公安縣荊州府考試常列前茅數奇未獲成名晚年與其子昌系字周譜者遷樂邑報墾界頭保之黃楊百木中嘴地方其爲人正直慷慨能爲人排難解紛至今鄰里嘗有稱之者壽九十六其子曾與邑侑生張功建等同請設學定額壽亦八十四歲

捐修書院考棚及賓興資斧議叙

吳先疇

田湘南

監生以上
鹽知事

周光德

覃福星

有傳

向光瓊

以不干已公
事京控革

鄒士藻

劉寶鑑

劉開鏡

周明銳

庠生

李士璜

范開文

范良臣

王光德

杜繼美

羅良才

李大勳

蕭秦樓

賴榮椿

阮成章

張席珍

朱桂芳

龔祖範

宋祖枝

陳永祥

王德聰

覃文韜

康開文

吳光魯

龔傳銑

田玉成

田福珩

尹全德

謝清玉

邑庠

李遇春

邑庠

長樂縣志

卷之十一

人物志

五

馮作霖

張行源

邑庠

賴汝霖

廩生
坐命

覃文權

別光裕

張祖昇

劉文明

王宗賓

董事議叙

陳兆元

賴榮先

郭琨

吳先春

田嶧南

黃承榮

龔心元

田靜山

陳兆愷

張希仲

以上
九品

楊嘉壽

紀錄
二次

方伎

語曰君子不器蓋才全德備者非可以片長薄技名之也然片長薄技亦足以徵人才邑雖山陬而技藝之彥亦有長才著其才未始不可顯其德也至如佛老之學儒者爭闢之抑知釋迦象教來自漢時道德遺經傳於周末其由來遠矣長樂無大叢林僧道住持者少今惟於二氏之流聊記數人以備一端志方伎

龔聯秀邑庠生幼敏慧早年遊泮家貧甚晏如也好讀書目數行下旁覽奇門遁甲及星醫卜筮之書皆有

長樂縣志

卷之十三

方伎

六

奇悟嘗效避穀法輒數十日不食年七十卒

張功清邑庠生善丹青年四十餘早卒前任靈峯蕭君鴻圖與前任少尹嘉喜牛君士魁均善繪事功清所繪均經賞識其棕鼠偷葡萄諸幅俱經攜去

張一受黃湘坪人醫術極精每療人病診脈決生死無一不驗家貧甚遠近請療病者不辭其勞並不索謝鄉里稱頌者眾延師訓子於禮無疎年七十五歲卒子元肇入邑庠

黃忠麟字玉書邑人爲人豪爽善書法所書有贈前宰桂山胡君馨如保赤子匾額子承榮邑庠生議叙九

品

田嵩南水滸司人容美後裔幼習詩書十一次應童子
試未售善歧黃亦善堪輿惟以教讀爲事從之游者
如劉維寅諸人俱游邑庠

張華清菖蒲溪人幼習詩書老而不遇曉堪輿晚年惟
以尋龍點穴爲業樂陽二邑卜葬甚多子輝德有足
疾早卒媳李氏守節撫其二孫長祖升捐輸軍需議
叙八品次祖文邑庠生事見節孝志

陸其蒙邑庠生初攻舉子業甚勤苦家貧無以自贖遂
挾堪輿星學術遊澧沅間決人生死言多奇中或戲

長樂縣志

卷之十三

方伎

七

問先生亦能自知壽何日終乎陸曰某當於某年月
日時自高墜下歿不死於道路幸耳後養靜家中一
日忽下階一顛而隕正其所言年月日時也

附記

張多芳字宜春號嵩南五峯土司裔功順子昆季六人多芳幼聰慧習詩書喜交遊兼工繪事善寫真長而家業蕭條嘗遊於宜都東湖巴東長陽施州間以寫真爲生晚年歸以筆代耕課子孫以勤儉樂署儀門等像及輿圖皆所寫也現年六十有九

向家緒麥庄保人世明子繼其叔世清爲嗣幼習詩書與弟日暉同年應試弟已游庠家緒獨厄於遇屢試

長樂縣志

卷之十三

方伎志

八

未售通堪輿代人卜葬甚驗有陸姓者母塋葬邑北門外教軍場下家緒爲言其屍頭當翻至足下朽骨當爲草根所穿令起遷之已而果然家居優游不與外事業漸興所生所繼昆季十七人相處皆友恭怡怡綽有父風子一習武家緒現年五十一歲已弄孫云

劉載陽本城保人精幹有才遍覽古今書籍術精扁鵲凡請診治無不應允並施方藥荊州人亦聞其名延請療疾前任胡公因其丸散應驗以醫學申詳承任十餘年咸豐二年無故奉 梁藩憲文罷職

釋道

明

李時彥漁洋關人長陽縣庠生才思超羣家累千金乃
阨於遇更有鄧伯道憂遂棄儒爲僧萬曆四十六年
傾囊倡修漁洋關之壽常寺殿宇始宏濶改觀時彥
修持其間吟山咏水優游自得以終集皆散失無一
存者

國朝

霞峯道人武昌人善岐黃尤善堪輿因負債莫償與其
子慧庵託姓孫易裝爲道人假作師徒來樂知郇甲

長樂縣志

卷之十三

釋道志

九

寨山水佳甚遂住持於廟間及將卒囑其子曰死必
葬我於殿中葬後鐘鼓當不聲響廟宇將爲火所焚
當速去及卒慧菴如其言葬之於殿中撞鐘擊鼓果
不響遂去之巴東後廟亦果焚獨霞峯墳墓在耳今
之祖師殿爲邑人鍾姓所重修

向老師子卽端公號海筏法術通神邑屬之黃龍洞水
每泛漲海筏知有孽龍藏於其中持劍將入洞斬之
囑其徒在洞外投以令牌不一時海筏從洞中伸出
一手大如門扇盡有長毛其徒大駭隨將令牌擲其
手不中而走向遂爲孽龍所害後大尾河出木一節

大如車輪人以爲柴薪撈而剖之鮮血肆流焉
胡上品爲人剛正兼有道術營兵張多峻因鎗斃一鴉
其家怪遂興什物皆突然懸空擲下則粉碎衣箱上
鎖內忽火起燒成灰燼箱仍如故邑貢生陳兆元東
湖庠生李鑿山自以爲邪不勝正至其家視之多峻
留飲酒酣耳熱斥以何物妖孽乃敢作怪語未竟而
壺箸杯盤懸於空矣驚而卻走數令道士誦經懺禳
之怪不絕上品至插劍於地怪乃去品之他而又興怪
且言曰若令胡上品來逐我當令爾家盡絕舉家遷
往松邑怪亦不知何往

耆老

語曰仁者壽又曰大德必得其壽誠以人之壽元雖由天定實必修德以致之耄耋期願上壽難得是以古者有杖鄉杖國杖朝等制而今

聖天子在上百歲以上准請 旌表八十九十以上者賜以肉帛七十以上者准一丁侍養免其差徭重養老也長樂未改土以前無考自乾隆初年設縣後士民中有齒德俱尊子孫繁衍鄉里多稱道之而

覃恩所及其已報者採而錄之其未報者訪而錄之以表

熙朝人瑞云

長樂縣志

卷之十二

人物志

士

張彤弓

八十二歲

王之文

七十九歲

羅大任

七十七歲

江士昌

七十一歲

譚佑盛

七十二歲

蕭國儒

七十一歲

梅千尚

七十七歲

陳元佐

七十九歲

任孟飛

七十五歲

楊訓典

七十歲

向山宗

七十三歲

向大經

九十歲

陳士萬

八十五歲

田有象

八十五歲

朱文華

七十四歲

周正太

七十二歲

黃懷聰

七十二歲

楊尙文

七十五歲

曹在書

七十九歲

覃廣正

七十四歲

覃毓萬 七十七歲 黃希聖 八十一歲

楊介 八十歲 文維添 七十一歲

鄧子明 七十四歲 陳新友 八十四歲

宋秉乾 七十九歲 吳文榜 八十一歲

喬以仁 七十九歲 鍾丹山 七十四歲

向聖澤 漢 郎宏 一百零四歲 有傳 王炳溪 八十歲

熊均吉 七十七歲 陳新百 八十歲

楊繼章 七十七歲 雷化雨 七十四歲

曾九成 七十七歲 李洪柴 七十八歲

胡添谷 八十歲 易永茂 八十三歲

長樂縣志 卷之十三 人物志 三

蔡書友 八十二歲 陳啟本 七十一歲

陳祥生 七十八歲 嚴如亮 八十二歲

吳文榜 八十歲 游久萬 八十二歲

徐良臣 七十二歲 王作元 八十六歲

張在杰 七十二歲 顧天富 七十一歲

王先振 七十二歲 汪昌達 七十一歲

張蘭先 七十三歲 鄧萬明 七十歲

鄒長生 七十二歲 侯應龍 七十一歲

鄧希盛 六十五歲 李大昆 七十三歲

胡公一 七十一歲 覃輝南 七十三歲

陳在周 七十一歲

楊學黃 七十二歲

尹從周 八十二歲

譚起瑞 七十二歲

王秉輪 八十二歲

邱振邦 七十二歲

董杏升 七十四歲

田萬超 七十二歲

李相侯 八十二歲

文良乾 八十歲

王自湖 七十一歲

任友松 八十七歲

向滙賓 七十一歲

陳家諧 七十歲

張功庠 七十二歲

黃帝聖 七十九歲

李大孟 七十一歲

陳士高 八十一歲

田有南 八十二歲

董作周 七十四歲

長樂縣志

卷之十三

人物志

三

劉光華 八十二歲

邱大先 七十二歲

陳方遠 七十二歲

劉萬有 七十八歲

任孔一 九十歲

劉萬祥 七十二歲

鄭玉成 七十一歲

田廣才 七十二歲

秦文才 八十一歲

周明揚 七十一歲

戴萬一 八十歲

鄧安階 七十二歲

楊友富 六十一歲

蕭順達 八十歲

向永珍 八十二歲

郭紳希 八十七歲

匡國珍 八十五歲

李必發 七十一歲

余必魁 八十七歲

駱承典 八十二歲

蘓其賢 九十一歲 陳學順 八十四歲

馮國士 八十歲 匡立榜 八十一歲

戴錫堯 七十九歲 湯士禹現七十三歲

伍超先 七十一歲 向元科 七十三歲

田明德 七十四歲 王萬堂 七十四歲

劉九疇 八十歲 向文彬 七十四歲

張多富 七十五歲 王羨玉 七十二歲

黃忠義 八十一歲 溫雲章 七十二歲

楊廷選 八十二歲 李友考現八十歲

蘓長輔 七十五歲 陳兆華 七十三歲

長樂縣志

卷之十三

人物志

十四

王宏道 七十五歲 張學順現八十九歲

陳國元 七十三歲 胡宗貴 七十一歲

蕭士松 七十一歲 易秉剛 七十一歲

張學義 七十五歲 王孔書 七十四歲

呂文學 七十一歲 潘應文 七十六歲

王景天 八十六歲 袁維琳 七十三歲

沈榮釗 七十二歲 龔心梅 七十三歲

李國昌 七十三歲 伍秀山 七十五歲

李先 七十二歲 向元疇 七十八歲

廖萬受 七十三歲 陳名高 七十五歲

李大華 七十九歲 覃聯甲 七十六歲

張光燦 七十六歲 向秉英 八十歲

尹萬泰 七十四歲 劉光華 八十一歲

張多忠 八十一歲 熊文相 八十歲

李于琮 八十歲 田光廷 八十三歲

貢生向定彩 八十二歲 黃道藝 八十二歲

張多榮 七十歲 毛相國 八十五歲

向家茂 八十歲 生員李崇賢 原名友德 七十二歲

蕭必選 九十四歲 蘓祖連 現九十歲

葉在周 現八十二歲 戴一富 現八十五歲

長樂縣志 卷之三 人物志 五

周聯文 現九十五歲 生員周正泰 現七十二歲

周正浩 現六十八歲 李正學 現七十歲 以上六人均有記

徐大科 現年七十二歲 胡明善 現八十歲

胡宗榮 現年八十歲 胡宗華 現七十五歲

胡宗貴 現年七十歲 蘓其藻 現七十歲 生員

王承烈 現年七十歲 馮諦位 現年七十七歲

李于昞 現年七十歲 劉良福 現年七十歲

王美玉 現年八十歲 庾成富 現年七十一歲

胡秀恪 現年七十三歲 簡仁鼎 現年七十四歲

向宏謨 現年七十四歲 侯應龍 現年七十三歲

黃秉翰現年七十一歲 魏國瑾現年七十一歲

斐文富現年七十一歲 嚴宗榮現年七十五歲

高仁則現年七十三歲 盧國順現年七十三歲

蕭承一年七十歲監生 蕭承品年六十八歲

鄒光漢年八十歲監生 鄒成章現年七十六歲

蕭祖楨現年七十歲 劉傳銑現八十一歲附生

余玉清現八十四歲 朱元沛現七十六歲附生

胡宗訓現年八十歲 李正朝現年八十六歲

鄧武俊現年七十七歲 鄭啟煥現年八十四歲

畢振萬現年七十六歲 胡宗舉現年七十八歲

長樂縣志 卷之十三 人物志

聶德智現年七十六歲 宋德昌現年七十歲

張傳相現年七十一歲 熊富遠現年七十叁歲

傅儒典現年七十二歲 張光如現年七十八歲

黃宗心現年七十五歲 劉學貴現年七十歲

陳添懷現年七十一歲 龔芳蘭現年七十七歲

向元祿現年七十八歲 田南山現年七十二歲

蕭官舉現年七十一歲 余上全現年七十八歲

趙貴福現年七十歲

長樂縣節孝志卷之十三

節孝

朝廷正倫紀維風化是以有

旌揚節孝之典蓋自有天地而後有男女而後有夫婦好
合和樂百年偕老固其常也乃有黃鵠早寡海燕孤
栖遭夫變故而卒能保節全貞或撫遺孤或繼螟蛉
事舅姑以孝推鄰里以恩矢心無二之死靡他可以
動天地感鬼神俾之後嗣昌大者丈夫且難況巾幗
中人哉樂邑雖僻壤自改土以來貞節孝義婦女輿
論允協可供當塗之採訪蒙

長樂縣志

卷之十三

節孝志

一

盛世之褒揚者正不乏人固急宜發其潛德之幽光表而
出之以爲風俗勸者也志節孝

節婦

向陶氏儒童向耀賢妻十六于歸二十八歲夫故守節撫三子俱成立長子世魁邑庠生以軍功議叙縣丞未及補缺身故再撫諸孫俱業儒年近八旬眼觀五代前學憲王給以淑節揚徽額

張田氏張多錦繼室奉事翁姑盡孝多錦府試方冠軍而翁姑均病氏獨侍湯藥既而卒多錦以丁憂未入泮年二十七夫故時一子希仲生甫三月氏矢志守節支持門戶子稍長教以義方令與夫弟貢生軍功議叙八品張孔傳奮志力學希仲文試未就棄而學

長樂縣志

卷之十二

節孝志

二

武遂入武庠夫弟卒嘗與弟媳分給衣糧家稍豐鄰里貧苦者亦必爲之周恤前學憲王表之曰節孝可風

周畢氏儒童周文彩妻軍功八品畢位高姊二十八歲夫故撫一子兆遠針黹度日忍受饑寒嚴以訓子子故後同媳陳氏撫孫志愷志時至於成立家稍裕勤苦不輟處鄉里周恤不吝前王學憲表之人以爲一門雙節云

向王氏武庠向揚芳妻十五于歸二十六歲夫故矢志栢舟孝養翁姑備盡婦道喪葬盡禮嘉慶元年白蓮

教匪亂逃避去賊焚其室流離而志不衰賊平後歸
重立屋宇備極勤儉樂善好施道光六年前學憲王
給以砥節懷清額

賴楊氏賴昌齡妻昌齡由彝陵移家樂邑歿時氏年三
十寂居深閨嫻姆訓明大義督其子讀書服賈不準
一千外事稍有不韙卽以家法處之蓋以坤道兼乾
道也守節五十載隣里未嘗一見其面道光六年學
憲王旌其門曰清操勵俗卒年八十子二長秀監生
長安孫五榮光拔貢榮先歲貢汝霖派名榮耀恩貢
榮桂業儒榮椿議叙八品曾孫十文炳文鴻邑庠生

長樂縣志

卷之十二

節孝志

三

餘俱業儒元孫林立

陳周氏陳邦瑜妻二十一歲邦瑜赴鄉試舟行至仙桃
鎮覆溺死氏聞信痛欲殉節族黨勸以撫遺孤乃止
貧極早夜操作子天再立嗣夫姪己酉選拔貢生陳
萬猷以所得修金分奉之未幾子又夭萬猷亦卒益
無倚氏忍受饑寒始終如一臨終囑姪陳學炳曰汝
獨子不可爲人後有孫當以一繼爾叔後學炳諾之
而終前王學憲給以淑節幽芳額

周李氏周開學妻年十五夫故幾以身殉因遺腹而止
未幾舉一男氏矢志孀守孝事翁姑守節三十一年

前王學憲賜以匾額

馮陳氏邑民馮正富妻十九于歸二十九歲夫故是年六月遺腹生一子撫之成立教以讀書應試後捐修書院考棚等處議叙八品奉事翁姑問安視膳無少疎忽翁姑沒葬之以禮居心仁厚周恤貧乏前王學憲表之現年八十歲

曾胡氏儒童曾恕山妻年十九夫亡撫一子名榮茹苦自甘教子讀書應試未就孫正中爲邑庠生節後必昌蓋不爽矣

覃田氏覃聯登妻二十七歲夫故遺一女甫七歲一子

長樂縣志

卷之十二

節孝志

四

甫周歲氏矢志守節奉事舅姑克盡婦道喪葬皆不失禮勤儉操持家業不墜子成立女亦于歸人咸稱之內外無間言卒年六十五歲

王田氏營兵王興槐妻興槐從征白蓮教陣亡時氏年二十五聞信痛不欲生拾夫衣冠以葬家貧子幼備嘗荼苦侍孀嫂輩極和睦終身未嘗疾聲厲色而志若冰霜族戚見之咸深畏敬心卒年八十有四有子四人

駱胡氏武舉駱玉霖妻十八歲于歸三十夫故矢志孀守奉事翁姑極盡孝順嘉慶八年姑病甚延盡樂陽名醫服藥無效氏割股救之卽愈撫二子教以義方

長傳漢屢試未售次東山爲邑庠生

楊余氏楊士太妻年二十一歲夫故子甫三齡翁姑以家貧難持泣白於氏之父母勸以再醮氏冰雪性成矢志自守晝則拮据隴畝夜則紡織深閨五十年來養葬完娶毫無間言余思守節難守貧家之節尤難守貧家節而婦道子道父道母道一身兼任而稱職者更難若余氏者可以風矣

見許光
輿雜錄

李張氏烟洞子保李正榮妻乾隆九年生性誠篤年二十一夫亡無子矢志孀守數年翁姑繼逝夫弟正貴尙幼穉零丁孤苦備極艱辛氏竟以嫂代母輔貴成

長樂縣志

卷之十二

節孝志

五

立里人贈有節格穹蒼匾額嘉慶十一年卒正貴子國永建立墓志並詩有玉潔冰清香伯母巾幗丈夫洵山斗云云國永與其子福元均邑庠生皆氏教也

楊宋氏生員楊隆壽妻武舉宋國輔之孫女邑庠生軍功議叙主簿宋之瑩女十五歲于歸三十歲夫故氏抱未亡人之痛濱死者竟數次一女已適許宗邵子有二齡氏矢志孀守孝養翁姑撫育弱子惟期一綫之延血食不墜無何道光十五年子年十五一病不起氏哭不絕聲者數月賴家族娣姒輩不時勸慰憂稍釋而已無意於人世矣但供養翁姑益加勤摯凡

家內一切日用之需預備計可支數月道光十六年五月時年四十六自縊於夫墓側桐樹上聞者莫不寒心節錄楊福煌叙楊墀壽曰氏不死於新孀之初爲有子也爲亡夫撫養教讀重不孝有三無後爲大之戒也不死於正室內寢而死於夫之墓所昭其節也爲生不能同室死必欲同穴而從一之志至死不渝也備數月之養明其孝也不敢以父母之養而諉諸伯叔也使無伯叔而氏仍不死也邑貢生楊嘉壽有徵詩啟春按其死似未當而其情則可矜勝於夫朝死墓改節者天淵矣

王曾氏邑民王明三妻二十歲于歸越四年夫故遺腹生一子懷玉家道貧艱氏矢志守節下撫弱息教讀完娶至於成立上事翁姑生養死葬罔不盡禮守節四十六年壽七十二歿

薛符氏邑童薛正邦妻正邦聰敏過人於書史過目成誦以用功過度遂成吐血疾早卒氏年二十二歲生子德紹甫四月既無叔伯終鮮兄弟誓志守節子十三歲命就外傳勉之曰家貧如汝十年讀書學苟無成則惟有務農而已須奮志以振家聲慎勿甘爲農夫以沒世其子果入泮而氏之訓未嘗少怠壽五十而卒

羅彭氏長樂縣丞甫田羅文杰繼室甫田四川富順人
續娶鶴峯州彭聯勳之女後卒於官氏年二十有六
官況清苦無力扶櫬歸蜀暫殯於漁洋關撫一子一
女以針黹度日備嘗荼蓼猶貞白自守云 鶴峯州志
何王氏何興富妻十九歲于歸興富有內疾氏亦與之
和好初無嫌怨越三年興富故氏誓志棺舟有勸以改
嫁者氏堅不從歸于母家守節五十一年壽七十三歲
向尹氏太學生向世端妻十八歲于歸一載夫故遺腹
生子名業紹氏矢志孀守事翁姑以孝聞

胡朱氏庠生胡聯滙妻年十七適胡事孀姑孝養備至

長樂縣志

卷之十二

節孝志

七

夫亡氏年二十有八竟遺一女氏遵姑命立夫兄庠
生聯香之三子為嗣未婚而天復繼其第四子為嗣
守節四十餘年溫恭淑慎辛苦備嘗人咸稱之

皮章氏邑人皮夢旭妻年二十一歲歸皮端謹勤儉深
得姑嫜歡甫三月夢旭病氏朝夕伺湯藥無少閒晨
夜祝禱一致詞輒昏絕及夫歿以頭撞棺血涔涔下
將窆袖刃欲自刎皆救得免守夫靈環泣七日勺飲
不入口一夕自縊內室目不閉其姑撫其尸哭曰汝
勿憂必厝汝於兒塋也言訖目頓合道光辛丑三月
事後夢旭弟兄為立嗣 節錄皮氏家譜

節孝附記

楊奈氏邑民楊安祚妻年三十夫亡遺五子一女俱幼
穉矢志孀守敝衣藿食勤儉異常蓄積較夫在日爲
有贏餘一女于歸五子成立孫亦成行至今年六十
里人稱之

張李氏張輝德妻夫有足疾不能行履朝夕侍奉十餘
年無怨無惡夫亡氏年二十八二子俱幼堅心苦守
孝敬翁姑送終安葬男婚女嫁延師課讀長子祖紳
議叙八品次祖文入泮現年六十三鄉人咸稱之

駱雷氏駱昌積妻昌積胞叔無子婚娶後過繼一載卽

長樂縣志

卷之十二

節孝志

八

亡氏年僅十九遺腹生一子立志守節孝敬翁姑勤
儉持家訓子有方至今子已成立人咸稱之

袁鄧氏菖蒲溪保民鄧子璠次女軍功議叙八品鄧煥

章從妹母蘓氏日以三從四德訓之字本城保袁昌
瓏爲妻年十二歸袁門童養孀姑二十八載備盡孝

敬姑病氏奉湯藥不解衣帶者月餘夜焚香祝天割
股以進而姑病痊十八歲婚配次年姑歿喪葬盡禮

相夫子以操作生女一長子維玟早歿三十歲夫故
撫次子維瑄訓迪有方教以讀書及瑄漸長爲娶媳

蕭氏二十歲嘗割股救夫病二十一歲生子與德二

十八歲蕭氏故維瑄續娶鄭氏年二十六維瑄嘗有疾鄭氏日侍湯藥逾年夫故鄭氏奉事孀姑克盡婦道撫育弱息不異親生奉養操作之餘教子讀書應試爲娶媳劉氏現今鄧氏守節四十五年鄭氏守節十五年內外毫無間言人稱爲一門雙節孝兩世三賢婦云

史印氏史萬鑑妻年二十九夫故氏躬操井臼教子有方克體氏志堅貞自矢者三十餘年其子連科早已成立勤儉起家樂善好施嘗修隔人潭路逕孫昌麟輩均業儒

長樂縣志

卷之十二

節孝志

九

張唐氏本城保儒童張世祥妻年二十一歲世祥卒氏矢志孀守不苟言笑一動一靜必以禮自防迄今二十七年無少疎忽奉事翁姑克盡孝養無子立夫兄世新子方旦爲嗣教誨成立子亦醇謹克承氏志青年游庠里黨咸稱之

曾胡氏長樂坪保儒童曾全一妻年十七歸曾舅姑皆卒全一性恢濶頗不以作家爲意時夫弟得顛疾夫妹尙在襁褓賴氏一人支持又十年全一卒氏矢志靡他子二長明欽次明庸皆教誨成立明庸尤讀書明理爲鄉黨式孫五人正膺邑庠生

覃向氏儒童覃遠德妻十八于歸三年夫故撫一子長
新奉孀姑張氏家遭回祿子幼姑病破屋數椽拮据
萬狀勤苦操作百折不回姑卒喪葬盡禮教子讀書
子稍拂輒痛哭隨之家道漸豐子成立入成均氏性
樂善好施周濟貧乏常囑子以修橋補路並囑孫捐
助書院膏火之資孫文韜文全輩均議叙八品職氏
年六十七前任楊奉撫院伍查報道光二十三年奉
旨准予旌表坊今年近八旬堂同四代家道豐足人咸以
爲節孝之報云

鄒程氏長冲保鄒大智妻武生程正保妹年十六歸鄒

長樂縣志

卷之十二

節孝志

十

十九歲大智歿無子繼姪爲嗣時孀姑年六十餘家
極貧氏守栢舟節以針黹易甘旨奉養無少缺又五
載姑亡喪葬如禮煢煢孑立心凜冰霜其苦節與孝
鄉里皆欽而服之現年五十八

陳田氏濟潭保人陳繼明妻年二十七夫故時姑老弟
幼二子未離襁褓家貧甚氏誓守節備嘗艱辛堂上
奉養無缺撫夫弟繼先成立入邑庠教讀完娶皆氏
力也現年九十七歲冰心筠節鄉里共信前任喬儒
學張舉報在案並給有清標彤管匾額士人多有詩
贈之

姜習氏邑民姜興國妻也興國養親夙善氏能體夫志
禮事舅姑舅年近七旬忽得重恙夫服賈遠出未歸
氏多方延醫調治病勢愈危不飲食者七日氣息奄
奄待斃氏計無所出私禱於竈神割股烹之以進方
慮沉痾已極不能下咽俄而似有神助起而盡飲之
移時危症俱退復膳如常問氏何藥速效乃爾氏以
祈神庇護權詞而對後數歲舅始終其事氏匿之未
嘗與人言其子若婦見氏右肱有瘡痕數請之婦知
所由來人亦由是漸知之蓋一念之誠足以格神明
而愈篤疾亦事之難能者也厥後長子傳銑遊庠諸
子亦安居樂業孫曾繞膝人咸以爲食報云

長樂縣志

卷之古

節孝志

十一

覃劉氏邑庠生覃心輝妻于歸三載夫亡氏年二十三
歲事翁姑以孝聞生一子一女早夭其姑欲奪其志
令再醮氏誓志孀守視姪子如已出晚年雖依內弟
劉正綱以居而內務必令姪子理氏更陰行善凡邑
中善事託其弟名者皆氏所捐貲也現年六十一歲
謝毛氏邑庠生謝大成妾夫亡氏年三十歲撫其子清
玉以養以教俾至於成人清玉年二十卽入泮旋亦
病故其媳繼亡又撫弱孫明欽現已成立業儒撫孤
兩世艱辛備嘗現六十歲守節三十年

覃田氏菖蒲溪保備童覃大銘妻年十七于歸十八夫
病氏割股救之未愈而死無子立胞姪學滋爲嗣矢
志孀守勵栢舟節事姑極孝待妯娌極和平持家勤
儉現年四十五歲鄉隣咸欽服之

侯徐氏侯應職妻二十歲于歸三十歲夫故家甚貧乏
氏飲水茹藥矢志孀守撫二子皆成立至今有孫六
人教以務農爲業現年八十歲守節五十年

劉侯氏劉學統妻十八歲于歸三十三歲夫故無嗣氏
誓不二天矢志守節現年六十歲

宋王氏武舉宋國輔媳宋之琬妻年二十八夫故守節

長樂縣志

卷之十二

節孝志

十一

撫一子良忠教讀完娶勞瘁不辭良忠亦克承母志
青年入泮三十一歲故媳王氏繼卒氏撫二孫士郊
士圻均已成立至今曾孫林立氏現年八十四歲

許鄧氏庠生許其繩妻二十于歸二十五歲夫故決意
殉葬因翁姑俱存子宗邵尙幼矢志孀守克盡孝道
撫子成立教以義方理治家事克勤克儉現年六十
內外稱之無間

楊朱氏楊有倫妻節婦楊余氏姪媳也十九于歸二十
四歲夫故勵栢舟操矢志孀守姑葉氏得麻木病
七載而歿氏朝夕扶持不離其側家極貧典盡衣物

奉姑湯藥有子長常康次常吉皆教以義方至於成
立有盡菝風現年六十一歲

剪馬氏女童剪體瓏之妻年十七于歸十餘載無出常
以後嗣爲懷勸夫娶妾向氏生子宣道光二十九年
夫故氏年三十有一矣家徒壁立殮葬乏資泣商向
氏與其聽其暴露莫若賣身以營葬向氏強從之氏
以死守撫孤數十年來寂寂深閨雖居鄰罕有能識
其面目者今已六十戚黨皆欽敬之給與貞節可風
額以勵芳操

袁劉氏童生袁興德之妻糧民劉天祿之女也性秉慈

長樂縣志

卷之十三

節孝志

十三

柔閨揚淑慎于歸後奉姑撫子克儉克勤二十四歲
夫故青年矢志彤管貽徽今年五十矣內外無閒言
給與芳徽足式額以維風化

貞女懿行附記

貞女

李毛氏麥莊保人幼許字李立環年十四未婚立環卒
氏聞訃矢志不移至李姓家事翁姑以孝聞立環並
無親兄弟生養死葬惟氏是賴兩立堂姪必照必煌
為嗣並無子而亡現今九十二歲見族戚猶設帷幕
耳目聰明出言如童音若氏者節義孝行皆出性生
洵天地之正氣也乃天厚其德而偏窮其遇豈窮其
遇正所以顯其德歟前學憲王霞九公贈有守貞全
孝匾額

長樂縣志

卷之十三

貞烈志

十四

烈婦

譚李氏譚某妻有徐洪道者夤夜扣門圖姦氏抵死不
從被殺身死乾隆四十年二月奉准

部覆題請

旌表

按嘉慶二年邑遭兵燹全卷失去僅存禮科中卷
載有此條又無志乘故其人名無考

懿行

馮阮氏世居漁洋關西鄉阮某女淑善成性適馮門恪
守婦道事舅姑以孝聞適姑病沈着呻吟牀蓐醫藥
罔效幾不起矣氏夜焚香告天抽刀割股作湯以進
不數日而姑病卽痊鄉里咸稱之邑拔貢楊福煌爲
吟以歌誦之

何胡氏已故何開貴妻也翁早卒事其姑陳氏極孝嘗
於三九酷寒時先以身煖姑之被而臥之姑臥病三
載醫藥調治罔效氏潛割其股以食姑姑病立愈事
雖不經其誠可感也其子景占事母多類其母人咸

長樂縣志

卷之十二

孝婦志

以爲孝母仍生孝子云氏年七十六而卒

王熊氏事翁姑極孝乾隆五十五年姑孫氏病危每夜
虔禱北辰無驗刲臂作羹姑食之病立起後姑卒氏
喪葬盡禮撫一子隆道教以讀書應試有畫荻風隆
道亦克承母志早年游泮

陳李氏庠生陳用之母篤於伉儷夫病氏曾割股救之
其伯母余氏亦曾行此鄉里中咸稱其事多爲題贈
云

